

Акафист Божией Матери в честь иконы Ея «Спорительница хлебов»

Кондак 1

Избранней от всех родов Божией Матери и Владычице Небесé и земли, избавляющей нас от всякия нужды, благодарственное приносим пение. Ты же, Всемилостивая Госпоже Богородице, прими наше усердное моление, сохрани нас от глада и пагубы, даруй земли нашей плодonoсие, Питательнице и Спорительнице нив и хлебов наших, да радуящиеся всегда зовем Ти: Радуйся, Благодатная, Господь с Тобю, подаждь и нам, недостойным, росу благодати Твоея и яви милосердие Твое.

Икос 1

Ангелов Творец избра Тя, Владычице, к благодатному человекoв спасению, и дарова Тя Помощницу людем, избавляющую нас от глада и всяких напастей, житие наше добре устрояющую в мире и всяком довольстве. Темже со умилением взываем Ти:

Радуйся, благодатное человекoв от всякия нужды избавление;

радуйся, достоянию Твоему помощь и заступление.

Радуйся, христоролюбивыя люди от всяких бед спасающая;

радуйся, алчущих питающая.

Радуйся, сирых заступление;

радуйся, нагих одеяние.

Радуйся, израстившая нам Плод Живота;

радуйся, рождающая Спаса душ наших.

Радуйся, Благодатная, Господь с Тобю, подаждь и нам, недостойным, росу благодати Твоея и яви милосердие Твое.

Кондак 2

Видев Сын Твой, Богомати, великое Твое к людем милосердие, глаголет Тебе: проси, Мати Моя, зане не отвращуся Тебе, но исполню вся прошения Твоя. Мы же, прославляюще сие дивное промышление о роде человекoв, вопием Богу: Аллилуиа.

Икос 2

Разум небесный даровася преподобному старцу Амвросию, еже водрузити во обители, им созданней, икону Пресвятыя Богородицы и нареши ю Спорительница хлебов, яко Ты, Пресвятая Дево, спасаша люди Твоя от глада, защищаеша я от смертоносного вреда и пагубы, даруеша земли плодonoсие, посылаеша дождь ранний и поздний на нивы и поля наша. Темже вопием Тебе таковая:

Радуйся, Дево, христиан похвало;

ра́дуйся, яко блажа́т Тя вси ро́ди.

Ра́дуйся, яко Ты хлѣбы на́ша благословля́еши и споря́еши;

ра́дуйся, яко Ты нас от гла́да избавля́еши.

Ра́дуйся, пита́ющая нас Хлѣбом Ж́изни;

ра́дуйся, млеко́м пита́вшая Пита́теля вселѣ́нныя.

Ра́дуйся, Плода́ Безсме́ртнаго стяжа́ние;

ра́дуйся, Садите́ля ж́изни на́шея ро́ждшая.

Ра́дуйся, Благода́тная, Госпо́дь с Тобо́ю, пода́ждь и нам, недосто́йным, ро́су благода́ти Твоея́ и яви́ милосе́рдие Твое́.

Кондак 3

Си́лою свѣ́ше укрепі́ нас, благода́тная Влады́чице, во дни гла́да и па́губы, да не поги́бнем лю́те без пока́яния во уны́нии и отча́янии, но утверди́ и наста́ви нас в терпе́нии и благоугожде́нии Бо́гови, да разумее́м в напáстех и ско́рбех во́лю Его́ святу́ю, благо́ю и соверше́нную, непреста́нно взыва́юще к Немú хвале́бным гла́сом: Аллилу́иа.

Икос 3

Иму́щи любо́вь ве́лию к лю́дем, искупле́нным Честно́ю Кро́вию Сы́на Твоего́ и Бо́га, Богома́ти Пречы́стая, прияла еси́ от Него́ власть устро́ити и покрыва́ти род христиа́нский. Ты бо бе́дствующим помо́щница еси́ ско́рая, градо́м и ве́сем, се́лам и н́вам, и все́му ми́ру Покро́в. Тебе́, Милосе́рдной и Боголю́бивой Ма́тери на́шей, устро́яющей и направля́ющей ко спасе́нию земну́ю жизнь на́шу, со смире́нием глаго́лем:

Ра́дуйся, Благо́го Сы́на Благо́я Ма́ти;

ра́дуйся, непреста́нно моля́щаяся о спасе́нии нас гре́шных.

Ра́дуйся, о все́м ми́ре христиа́нстем к Бо́гу Ходата́ице;

ра́дуйся, благ вся́ческих Всеблагая́ Подате́льнице.

Ра́дуйся, пленѣ́нных и в темни́цах заклю́ченных пита́тельнице;

ра́дуйся, телесе́м на́шим здра́вие и душа́м спасе́ние.

Ра́дуйся, яко рай пи́щный процвета́еши;

ра́дуйся, яко приста́нище душа́м гото́виши.

Ра́дуйся, Благода́тная, Госпо́дь с Тобо́ю, пода́ждь и нам, недосто́йным, ро́су благода́ти Твоея́ и яви́ милосе́рдие Твое́.

Кондак 4

Бу́ря проти́вных ве́тров, егда́ найдет на ны внеза́пно, гро́мы и мо́лнии, град и вода́ мно́гая устремя́тся на зе́млю, тогда́, Госпоже́ Всеми́лостивая, ускори́ на по́мощь нам беспомо́щным, защити́ и изба́ви нас от дожде́внаго лия́ния, е́гоже сотвори́хомся досто́йни грех ра́ди на́ших, и да бу́дут поля́ и

нивы невредимы от сих, и да не потопит нас буря водная. Тебе бо грешнии
имамы Заступницу непостыдную, на Тя упование наше возлагаем и,
прославляюще силу молитв Твоих, Рождшемуся от Тебе Спасу мира зовем:
Аллилуиа.

Икос 4

Слышаще и видяще Твое сострадание, Владычице, к бедствующим и
гибнущим людям, мы грешнии прибегаем к Тебе и молимся: о, Пресвятая
Дева, услыши нас, и во дни, егда солнце иссушит землю и от сухости зной
будет, и прозябения земная начнут увядати, тогда, Владычице, росу
благодати Твоея низпосли на требующия и просящия милости, возвесели
лице земли, людей ради Твоих, и младенцев их, и скотов, и иных всех, иже
чают к Богу дати пищу им во благо время, и от святых иконы Твоея
Спорительницы яви милосердие Твое вопиющим Тебе таковая:

Радуйся, молитвеннице неусыпающая ко Христу Богу, на милость к нам
Его преклоняющая;

радуйся, гнев Божий на ны праведно движимый от глав наших отводящая.

Радуйся, Матерним покровом Твоим от всяких несчастий нас
охраняющая;

радуйся, поля и нивы наша от запаления солнечного и зноя спасающая.

Радуйся, Всемилостивая услышательнице гласов наших молебных в
скорби и обстояниях;

радуйся, жилища наша от огня спасающая.

Радуйся, державная скоропомощнице наша во дни тяжких испытаний;

радуйся, от всех бед скорое избавление.

Радуйся, Благодатная, Господь с Тобою, подаждь и нам, недостойным,
росу благодати Твоея и яви милосердие Твое.

Кондак 5

Боготечная звезда икона Твоя, Богомати, людям, просящим хлеба
наущного¹, немерцаемо сияет. Покровом бо Твоея милости соблюдаеши
поля и нивы наша и плодоносить их устрояеши, подвизаючи верных вопити
Христу Богу: Аллилуиа.

Икос 5

¹ Слово «наущный» воистину было «камнем преткновения» для экзегетов. В классической греческой литературе оно не встречается, и Ориген, например, считал, что Матфей сам составил его из предлога «на» и существительного «сущность». Однако не столь давно был найден папирус (дохристианских времен), где встречается это спорное слово. Текст оказался списком «наущных», то есть «обычных», «повседневных» покупок на базаре. (Схолия прот. Леонида Лутковского на Мф. 6:11).

Відя Тя Сын Твой при Кресте стоящую с возлюбленным учеником, глаголет Тебе: Жéно, се Сын Твой. И ученику: Се Мати твоя, — всыновляя Тебе вся верующия в Него. Мы же, чада Твоя суще, на Твой покров надéющеся, Тебе, яко Матери нашей, глаголати дерзаем:

Рáдуйся, Судий Прáведнаго умолéние;

ра́дуйся, грехов наших прощéние.

Рáдуйся, надéждо наша извéстная;

ра́дуйся, уповáние наше непосты́дное.

Рáдуйся, скорбéй наших разрешéние;

ра́дуйся, печáлей наших утолéние.

Рáдуйся, пла́мене страстéй изменяющая;

ра́дуйся, всех родов весéлие.

Рáдуйся, Благодáтная, Госпóдь с Тобóю, подáждь и нам, недостóйным, рóсу благодáти Твоея и яви милосéрдие Твое.

Кондак 6

Проповéдует Цérковь Христова чудеса Твоя, Богородительнице, от восток бо до запад хвально имя Твое, и несть града или страны, идеже не явишася Тобóю дéйства силы Бóжия, во избавлéние и спасéние, просвещéние и исцелéние людéй христоименитых, наипáче же чрез икóны Твоя святыя обыкла еси чудотворити, изливаящи от них струи милостей и щедрот бédствующему и трéбующему пóмощи челоуэчеству. Сего ради славослóвляще Тя, Сыну Твоему и Бóгу нашему вопиём: Аллилуиа.

Икос 6

Возсияла еси от Истиннаго Солнца заря, Дéво Богоотроковице, просвещáющи дýши всех, томимых глáдом душéвным, рече бо Госпóдь: не о хлебе едином жив бóдет человек, но о всяком глаголе, исходящем из уст Бóжиих. Обáче помрачишася óчи наша и окаменéша сердца наша и не видим очима своима и не разумéем сéрдцем судéб Бóжиих. Томимии же душéвным глáдом, к Тебе прибегаем, Пречистая Дéво, и прóсим Слóвом Жízни утолити глад душéвный нас, вопиющих Тебе такова́я:

Рáдуйся, от убожества душéвнаго нас воздвизáющая;

ра́дуйся, питающая нас Слóвом Жízни:

Рáдуйся, трапéзо пресвётлая, Хлеб Жízни носившая;

ра́дуйся, пи́ще, мánны приёмнице.

Рáдуйся, землé благáя, Клас Божéственный израстившая;

ра́дуйся, ниво, растящая многоплóдие щедрот.

Рáдуйся, камéню, напоивший жаждущия жízни;

ра́дуйся, милость сугубо нам подающая.

Ра́дуйся, Благода́тная, Госпо́дь с Тобо́ю, пода́ждь и нам, недосто́йным, ро́су благода́ти Твоея́ и яви́ милосе́рдие Твое́.

Кондак 7

Хотя́щи жа́ти спасе́ние, я́ко село́ сла́дкое показáлася еси́, Влады́чице, от него́же пита́ющесея, има́мы пи́щу ве́чную и нетле́нную. Мы же, земни́и су́ще, мо́лим Тя, Пречи́стая Де́во: покажи́ си́лу Твою́ в дни жа́твы нив и полéй на́ших, да всяк злак избóилует на утеше́ние нас, пою́щих Бо́гу: Аллилу́иа.

Икос 7

Дíвно просла́вилася еси́, Богома́ти, в защи́ении люде́й правосла́вных. Возстаю́щие на Бо́га не познаю́т, коль сильна́ есть моли́тва Бо́жия Ма́тере. Мы же о Твое́м всемо́щнем заступле́нии, по́мощи и благослове́нии до́бре ве́дуще, си́це к Тебе́ со умиле́нием зове́м:

Ра́дуйся, чи́стых рука́ма и се́рдцем земледельцев́ благослове́нными плода́ми венча́ющая;

ра́дуйся, бе́дствующим среди́ напа́стей и трудо́в внеза́пное вспоможе́ние.

Ра́дуйся, безма́терних сирóт незрима́я воспита́тельница;

ра́дуйся, помо́щнице всех беспомо́щных.

Ра́дуйся, корми́тельнице вдов и сирóт;

ра́дуйся, подаю́щая си́лу, пи́щу и отра́ду боля́щим и разсла́бленным.

Ра́дуйся, оде́ждо наги́х дерзнове́ния;

ра́дуйся, мно́гих согреше́ний прощ́ение.

Ра́дуйся, Благода́тная, Госпо́дь с Тобо́ю, пода́ждь и нам, недосто́йным, ро́су благода́ти Твоея́ и яви́ милосе́рдие Твое́.

Кондак 8

Я́коже дре́вле соде́йствовала еси́ схожде́нию на зе́млю Спаси́теля ми́ра, си́це и ны́не, я́ко со́лнце светоза́рное, восходи́ши над созрева́ющею ни́вою, предше́ствующи приходу́ Господи́на с жа́телями. Тому́ и мы со стра́хом вопие́м: Аллилу́иа.

Икос 8

Все упова́ние на́ше на Тя возлага́ем, Ма́ти Бо́жия, и в ско́рбех на́ших ко святе́й ико́не Твое́й усе́рдно притека́ем, ча́юще получи́ти от Тебе́ утеше́ние благода́тное и вспоможе́ние во оскуде́нии и нищете́ на́шей, сего́ ра́ди взыва́ем Ти:

Ра́дуйся, ми́лости превели́кия сокро́вище;

ра́дуйся, пи́ще и утеше́ние к Тебе́ прибега́ющих.

Ра́дуйся, хле́бе неснеда́емый а́лчущих;

ра́дуйся, ско́рое ни́щих услы́шание.

Ра́дуйся, от гла́да и ну́жды скорбящих приятно́е попече́ние;
ра́дуйся, к Свѣту Непристу́пному нас изводя́щая.
Ра́дуйся, ключу́ Ца́рствия Христо́ва;
ра́дуйся, наде́ждо благ вѣчных.

Ра́дуйся, Благода́тная, Господь с Тобо́ю, пода́ждь и нам, недосто́йным,
ро́су благода́ти Твоея́ и яви́ милосе́рдие Твое́.

Кондак 9

Вси лю́дие дивя́тся вели́чию чудесъ Твои́х, Пресвята́я Де́во, излива́емых
Тобо́ю от святыхъ Твои́х ико́н, я́ко всем да́руеши по коего́ждо прошѣ́нию,
устроя́еши до́мы на́ша, посыла́еши благослове́ние земли́ де́лательем и да́еши
лю́дем всякое дово́льство. Те́мже вопие́м Сы́ну Твоему́: Аллилу́иа.

Икос 9

Ветии́ многовеща́нныя не мо́гут воспѣ́ти чудесъ Твои́х, Богома́ти
Влады́чице, я́ко всем конце́м земли́ простира́еши ру́ку по́мощи и
низпосыла́еши ве́рным земли́ плодоно́сие, благорастворе́ние возду́хов и
всякое изоби́лие плодо́в и благ земны́х. Мы же, во смире́нии своѣ́м
исповѣ́дающе Твое́ вели́кое заступле́ние нас грѣшных и непреста́нную
по́мощь в ну́ждах на́ших, вопие́м Ти:

Ра́дуйся, досто́йно восхваля́емая от Арха́нгел и А́нгел;
ра́дуйся, велича́емая от всех Небе́сных сил.
Ра́дуйся, Честне́йшая Херувимъ;
ра́дуйся, Сла́внейшая без сравне́ния Серафимъ.
Ра́дуйся, Влады́чице Не́ба и земли́;
ра́дуйся, Родите́льнице Вѣчнаго Ца́ря.
Ра́дуйся, ве́рная Рабо́ Господня́;
ра́дуйся, ублажа́емая на Небеси́ и на земли́.

Ра́дуйся, Благода́тная, Господь с Тобо́ю, пода́ждь и нам, недосто́йным,
ро́су благода́ти Твоея́ и яви́ милосе́рдие Твое́.

Кондак 10

Спаси́тельное прибе́жище в ско́рбех и напа́стех Ты еси́, Богороди́це,
те́мже испроси́ у Сы́на Твоего́ и Бо́га на́шего ми́лости нам грѣшным,
пою́щим: Аллилу́иа.

Икос 10

Стена́ еси́ похваля́ющим чудеса́ Твоя́, Богороди́це Де́во, и всем с ве́рою
притека́ющим и покланя́ющимся Тебе́ и ико́не Твое́й, Спорите́льница хлебо́в
имену́емой, и глаго́лющим:

Ра́дуйся, неисто́щимый исто́чнице ми́лостей и щедро́т;

ра́дуйся, любвѣ Божественныя проявление.
Ра́дуйся, чудес пресла́вных совершение;
ра́дуйся, труждающихся и обремененных сладкий покою.
Ра́дуйся, терпеливых страдальцев дары благодатными ущедряющая;
ра́дуйся, о храмах Божиих попечение имущих духовною радостью
утешающая.

Ра́дуйся, несумненная наша надежда;

ра́дуйся, тихое и доброе пристанище.

Ра́дуйся, Благодатная, Господь с Тобою, подаждь и нам, недостойным,
росу благодати Твоея и яви милосердие Твое.

Кондак 11

Пение наше не презри, Пресвятая Дево, и сокровище любве Твоея не
затвори от нас; щедрую руку Твоея помощи простри нам, да прославляюще
милости и чудеса Твоя, поем Троицному Богу: Аллилуиа.

Икос 11

Светлыми лучами чудес Твоих просвещаеши весь мир христианский и
заступаеши люди православныя, искупленные Кровию Сына Твоего. Темже
припадающе ко святому образу Твоему, на немже зрим Тя, Богомати, на
воздусе над полями и нивы нашими, благословляющую собранная снопы
хлеба, молим Тя, Семилостивая Владычице: род человеческий, осужденный
в поте лица своего снести хлеб, в болезнях родити и в печалех питати чада
своя, милостивно пощадити и заступити. Даруй нам здравие и благомощие, да
питаемии Тобою от силы в силу возрастати будем и вси исполнимся радости
и утешения от щедротельных десниц любве Твоея, зовуще Тебе:

Ра́дуйся, младенцев млекопитательнице;

ра́дуйся, усты детей хвалу Богу совершающая.

Ра́дуйся, роса неботочная в знои трудов сущим;

ра́дуйся, подающая требующим благостроение.

Ра́дуйся, просящим изобилие уготовляющая;

ра́дуйся, многажды прошения предваряющая.

Ра́дуйся, печальных утешение;

ра́дуйся, скорбящих веселие.

Ра́дуйся, Благодатная, Господь с Тобою, подаждь и нам, недостойным,
росу благодати Твоея и яви милосердие Твое.

Кондак 12

Благодатную помощь низпосли нам, Мати Божия, и егда избыдет сеяй
сеяти, да не падут семена при пути или посреде терния, или на камени, но на

землі добрей. Сотвори́ восход их, да произрасти́т земля́ плод стори́цею, и мы вси в радости́ се́рдца благодарными́ усты́ вопи́ем Бо́гу: Аллилу́иа.

Икос 12

Пою́ще чудеса́ Твоя́ и ми́лости, Влады́чице Богороди́це, хва́лим Тя вси, я́ко вои́стину еси́ на́ша Помо́щница, Засту́пница, Пита́тельница и Домострои́тельница, жити́е на́ше ко спасе́нию устро́яющая. Те́мже вопи́ем Ти:

Ра́дуйся, бога́тство нетле́нное нам подава́ющая;
ра́дуйся, бра́шно неги́блющее а́лчущим пра́вды.
Ра́дуйся, пити́е неисчерпа́емое жа́ждущим жи́зни;
ра́дуйся, земле́ обетова́ния, из нея́же течёт мед и млеко́.
Ра́дуйся, ве́рных спаси́тельное прибе́жище;
ра́дуйся, покрóве ми́ру, ши́рший о́блака.
Ра́дуйся, ненаде́жных наде́яние;
ра́дуйся, отча́янных спасе́ние.

Ра́дуйся, Благода́тная, Господь с Тобо́ю, пода́ждь и нам, недостóйным, ро́су благода́ти Твоея́ и яви́ милосе́рдие Твое́.

Кондак 13

О́, Всепета́я Ма́ти, ро́ждшая всех святы́х святей́шее Сло́во! Ны́нешнее на́ше прие́мши приноше́ние, изба́ви лю́ди к Тебе́ прибега́ющия от вся́кия ну́жды, гла́да душе́внаго и телеснаго, смертоно́сных боле́зней и вся́каго зла и ве́чныя изми́ му́ки, да с ли́ки А́нгельскими́ непреста́нно поём Бо́гу: Аллилу́иа.

Молитва.

О́, Пресвята́я Де́во Богороди́це, Преми́лостивая Влады́чице, Цари́це Небесе́ и землі, вся́каго до́ма и семе́йства христиа́нскаго благоустрои́тельнице, тружда́ющихся благослове́ние, нужда́ющихся неисто́щимое бога́тство, си́рых и вдови́ц и всех люде́й корми́тельнице! Пита́тельница на́ша, ро́ждшая Пита́теля вселенны́я и Спори́тельница хлебо́в на́ших, Ты, Влады́чице, низпосыла́еши Твое́ ма́тернее благослове́ние градо́м на́шим, се́лам и ни́вам и коему́ждо до́му, на Тя упова́ние иму́щему. Те́мже с благоговей́ным трéпетом и сокруше́нным се́рдцем смире́нно мо́лим Тя: бу́ди и нам, грешным и недостóйным рабо́м Твои́м, му́драя домострои́тельница, жити́е на́ше до́бре устро́яющая. Всех же прибега́ющих к покрóву Твоему́, вся́кий дом и семе́йство во благоче́стии и правосла́вии, единомы́слии, послуша́нии и дово́льстве соблюди́. Ни́щия и неиму́щия пропита́й, ста́рость поддержи́, младе́нцы воспита́й, всех вразуми́ преи́скренне зыва́ти ко

Господу: хлеб наш насущный даждь нам днесь. Сохрани, Пречистая Мати, люди Твоя от всякия нужды, болезни, глада, огня, от всякаго злаго обстояния и всякаго нестроения. Обители [или веси] нашей [или граду нашему], домом и семейством и всякой души христианской и всей стране нашей исходатайствуй мир и велию милость, да славим Тя, Премилостивую Питательницу и Спорительницу нашу, ныне и присно, и во веки веков. **А**минь.